

Շոգովորդ

26
(2692)

22 փետրվարի չորեքշաբթի 2023
տպագրության ԺԲ տարի

✉ ք. Երևան, Արմավյան 22ա/3 (0010)

☎ + 374 10 546423

@ info.armlur@gmail.com, info.zhoghovurd@gmail.com

100 դրամ

ՆԻԿՈՒՆ ՓԱՇՏՈՒՄՆԵՐ ԽԱՔԵԼ Է. ՄԱՍ 164



Հայաստանում կենսաթոշակը կամ նպաստն անկանխիկ եղանակով ստացող քաղաքացիները 2022-ի հուլիսից, կառավարության որոշմամբ, հնարավորություն ստացան հետվճար (քեշբեք) ստանալ վճարային քարտերով կատարված գործարքներից:

Ծրագրին միացած բանկերի քարտապան կենսաթոշակառուներն ու նպաստառուները ՀՀ տարածքում վճարային քարտերով վճարելու դեպքում ամեն ամիս ստանում են հետվճար՝ նախորդ ամսում կատարած անկանխիկ գործարքների հանրագումարի 10%-ի չափով, բայց ոչ ավելի, քան ամսական 5 000 դրամը: Կառավարությունը, որպես ծրագրի իրականացման արդյունք, Նշել էր, որ ակնկալվում է՝ մինչև 2022-ի տարեվերջ ծրագրի փաստացի շահառու կդառնա եւ առնվազն 3 ամիս անընդմեջ կստանա նախատեսված հետվճարը բանկային քարտով կենսաթոշակ ստացող կենսաթոշակառուների 80%-ը:

Կես տարի անց, ակնկալված 80%-ի փոխարեն, հետվճարից օգտվում է քարտապան թոշակառուների 15%-ը

Աշխատանքի եւ սոցիալական հարցերի նախարարությունից, #CivilNetCheck-ի հարցմանը ի պատասխան, հայտնում են, որ Հայաստանում կենսաթոշակառուների եւ նպաստառուների թիվը ներկայումս շուրջ 585 հազար է, որոնցից 474 հազարը թոշակը (նպաստը) ստանում է անկանխիկ՝ բանկային քարտով:

Անկանխիկ եղանակով կատարված վճարումներից «քեշբեք» ստացող թոշակառուների եւ նպաստառուների թիվը 2022-ի դեկտեմբերի 31-ի դրությամբ կազմել է շուրջ 67 հազար կամ քարտապան շահառուների 15%-ը (բոլոր թոշակ եւ նպաստ ստացողների 11%-ը): սա կառավարության միջև տարեվերջ «անկանխած» թվից ավելի քան 5 անգամ պակաս է: Միջին հաշվով՝ թոշակառուներին ամսական վճարված հետվճարի չափը 2022-ի հուլիս-սեպտեմբերին կազմել է մոտ 2600-2900 դրամ, հոկտեմբեր-դեկտեմբերին՝ 3100-3400 դրամ, այսինքն՝ կառավարությունը հերթական անգամ չի կարողացել կատարել ծրագիրը :

Ազգային ժողովի «Քաղաքացիական պայմանագիր» խմբակցության պատգամավորների օգնականները հասան իրենց երկրորդ նպատակին եւ: Մասնավորապես՝ «Ժողովուրդ» օրաթերթի տեղեկություններով՝ օգնականներին տրվել է աշխատավարձի 15 տոկոսի չափով պարգևավճար աշխատակազմի նոր ղեկավար-քարտուղար Դավիթ Առաքելյանի կողմից: Հիշեցնենք, որ «Քաղաքացիական պայմանագիր» խմբակցության ղեկավար Հայկ Կոնջոյանի եւ քարտուղար Արթուր Դավիթյանի օգնականները մի խումբ այլ ՔՊ պատգամավորների օգնականների հետ պարգևավճար են պահանջել ԱԺ նախագահ Ալեն Սիմոնյանից եւ աշխատակազմի արդեն նախկին ղեկավար Վահան Նարիբեկյանից: Նրանք պահանջում էին պարգևավճար տալ իշխող խմբակցության պատգամավորների օգնականներին, սակայն օրենքով պարգևավճար ԱԺ-ում հասանելի է միայն պետծառայողներին, որոնք պրոֆեսիոնալներ են: Որչ և՛նեղը բարդվեց աշխատակազմի նախկին ղեկավարի վրա: ՔՊ ղեկավար Նիստից հետո նա հեռացվեց պաշտոնից, սակայն փաստացի օգնականների երկրորդ պահանջը եւս կատարվեց, եւ նրանք նաեւ ստացան պարգևավճարները: Ստացվում է՝ գումար չկա առաջնագծում կահավորանք եւ կեցակայր կառուցելու համար, բայց իշխանական պատգամավորների օգնականների համար պարգևավճարների գումար կա:



Խորհրդարանական ընդդիմադիր երկու խմբակցություններն առաջիկայում շրջանառության կոնքեն ԱԺ որոշման նախագիծ, որով առաջարկում են ՍԴ դատավոր Սեդա Սաֆարյանի լիազորությունները դադարեցնելու առաջարկով դիմել Սահմանադրական դատարան: Որպես Սաֆարյանի լիազորությունները դադարեցնելու հիմք՝ Նշվում է, որ նա ձեռնարկատիրությամբ է զբաղվել, ինչն օրենքով անհամատեղելի է դատավորի կարգավիճակի հետ: Նշենք, որ Սահմանադրական դատարանի դատավորի պաշտոնակատարության հարցը կարող են բարձրացնել խորհրդարանը եւ իրենք՝ ՍԴ դատավորները: Քանի որ մինչ այժմ ՍԴ դատավորները ոչինչ չեն արել, խորհրդարանականները որոշել են դատավորին պատժելու գործառնալը վերցնել իրենց վրա: Նախագիծը մինչ լիազումար նիստերի օրակարգ ներառվելը երկշաբաթյա ժամկետում պետք է ստանա գլխադասային հանձնաժողովի եզրակացությունը, որն այս դեպքում հավանաբար կլինի ԱԺ պետական-իրավական հարցերի հանձնաժողովը: Դրական եզրակացություն ստանալու դեպքում այն կմտնի ԱԺ լիազումար նիստերի օրակարգ: Բայց կա մի խնդիր. ընդդիմությունը այս հարցում կարիք ունի իշխանական ՔՊ-ի ձայների: «ԱԺ կանոնակարգ» սահմանադրական օրենքի համաձայն՝ խորհրդարանում համապատասխան նախագիծը կարող է ընդունվել պատգամավորների ձայների 3/5-ով: Ստացվում է՝ որպեսզի ԱԺ-ն կարողանա դատավորի լիազորությունները դադարեցնելու հարցով դիմել ՍԴ, անհրաժեշտ է լինելու 65 պատգամավորի համաձայնությունը: Ընդդիմադիր երկու խմբակցությունները միասին ունեն 35 ձայն, եւ ընդդիմությունը պետք է «դիմի» ՔՊ-ականներին՝ անհրաժեշտ ձայներ ստանալու համար: Ընդդիմադիրները, սակայն, համոզված են, որ իրենց սրտի դատավորի դեմ գործընթացին իշխանականները չեն միանա, այլ կհովանավորեն փաստացի ՔՊ դատավորի ապօրինությունները: Ամեն դեպքում, եթե նախագիծն ԱԺ-ում ընդունվի, կուղարկվի ՍԴ, որն էլ արդեն որոշում կկայացնի դատավորների լիազորությունները դադարեցնելու մասով: ՍԴ-ն դատավորի լիազորությունների դադարեցնելու որոշումը ՍԴ-ն կարող է ընդունել դատավորների ընդհանուր թվի ձայների առնվազն 2/3-ով մեկամսյա ժամկետում:



2022 թվականի դեկտեմբերի 29-ի կառավարության նիստում հաստատվեց Քրեական օրենսգրքում նոր փոփոխությունների նախագիծը, որով պատասխանատվություն կսահմանվի ինքնիշխանությունից հրաժարվելու կոչեր հնչեցնելու համար: Նախագիծով առաջարկվում է ինքնիշխանությունից հրաժարվելու ուղղված հրապարակային կոչերի համար սահմանել տարբեր չափի տուգանքներից մինչև առավելագույնը 3 տարվա ազատազրկում, կոչերը տեղեկատվական տարբեր աղբյուրներով, ԶԼՄ-ներով տարածելու համար՝ 2-5 տարվա ազատազրկում: Ինքնիշխանությունից հրաժարվելու ուղղված տարբեր բռնի գործողություններ կատարելու համար առաջարկվում է սահմանել 10-15 տարվա ազատազրկում: Նկատենք՝ այս նախագիծը կառավարության նիստում ընդունվեց այն բանից հետո, երբ իշխանական տարբեր շրջանակներ, այդ թվում՝ ՀՀ անվտանգության խորհրդի քարտուղար Արմեն Գրիգորյանը, հայտարարեցին, թե իրենց ստիպում են մտնել Միությունական հանրապետություն: «Երբ Հայաստանը դիմադրում է, ստանում է ճնշումներ ռազմական տեսքով», - ասել էր նաեւ նա: Իսկ, ահա, այս հայտարարությունից օրեր առաջ էլ՝ դեկտեմբերի 14-ին, ՔՊ պատգամավոր Գագիկ Մելքոնյանն էր հայտարարել, թե ՌԴ-ն ստիպում է ՀՀ-ին մտնել Միությունական պետության, անգամ ժամկետ է դրել, սակայն ՀՀ իշխանությունները մերժել են, փակվել է Լազիսի միջանցքը, եւ ռուս խաղաղապահները բացելու ուղղությամբ ոչ մի քայլ չեն անում: Նկատենք՝ միությունական կազմի մեջ մտնելը նաեւ ենթադրում է ինքնիշխանությունից հրաժարում, եւ հաճախ կազմի մեջ մտնելու առաջարկին լիում են կողմ արտահայտվողներ: Եվ ստացվում է, որ այսուհետ ՌԴ-ի հետ միությունական հանրապետությունում լինելու մասին որեւէ խոսք անգամ դատապարտելի է լինելու իրավական առումով: Այսինքն՝ ռուսաստան քաղաքացիները, որոնք միությունական պետության ջատագույններ են, անխուսափելիորեն կպատժվեն:



ՅԵՏԱՊՆԴՈՒՄ

ՅՈՒՐԱՔԱՏՈՒԿ ԶԵԿՈՒՅՑ ԷՐ ԱԼԻԵՎԻՆ

Փետրվարի 20-ին հայցնի դարձավ, որ ձերբակալվել է 3-րդ բանակային կորպուսի նախկին հրամանատար, գեներալ-մայոր Գրիգորի Խաչատուրովը: Լրատվամիջոցների հաղորդմամբ Խաչատուրովին ձերբակալել է ԱՄՆ ֆինչական դեղատարմանը դասարան կալանֆի ներկայացնելու համար:

«Ժողովուրդ» օրաթերթը այս առիթով գրուցել է ՊՆ նախկին նախարար Սեյրան Օհանյանի հետ: Մեզ հետ գրուցում Սեյրան Օհանյանը, անդրադառնալով Խաչատուրովի ձերբակալմանը, նշում է՝ այս իշխանությունների վարքագիծն է. հետապնդում են բոլոր այն մարդկանց, որոնք ռազմական ճանապարհ են անցել: Ըստ նրա՝ զինվորականների նկատմամբ հետապնդումները նաեւ յուրահատուկ զեկույց էր իրենց կառուցողական գործընկերոջը՝ Ալիեվին, որ, տես, պատժելու ենք այն մարդկանց, որոնք կանգնած են եղել պաշտպանության ակունքներում:

-Պարոն Օհանյան, ինչպե՞ս կգնահատեք Գրիգորի Խաչատուրովի ձերբակալման որոշումը:

-Իրականում սա քաղաքական գործընթացների շրջանակում է տեղի ունենում: Այս իշխանությունների վարքագիծն է. նախ՝ ձերբակալում են մարդկանց, որոնք ռազմական ճանապարհ են անցել, փորձառություն ունեն եւ մերժում են օրվա իշխանություններին, քանի որ նրանց վարած քաղաքականության արդյունքում են Հայաստանն ու Արցախը այս իրավիճակում: Եվ Յուրի Խաչատուրովը, ե՛լ նրա որդին՝ Գրիգորի Խաչատուրովը, մեր բանակի ակունքներում մարդիկ են, ունեն անցած ճանապարհ. մենք մեր աջակցություն ենք ցուցաբերում Գրիգորի Խաչատուրովին:

-Պարոն Օհանյան, ընդդիմադիրները մեղադրում են իշխանություններին, որ զինվորականների վրա ճնշում գործադրելով կամ նրանց ձերբակալելով՝ մտածված թիրախավորում են բանակը, իշխանություններն էլ հակադարձում են՝ թե բոլոր նրանք, ովքեր չարաշահումներ են թույլ տվել իրենց պաշտոնավարման



օրոք, պետք է պատասխանատվության ենթարկվեն:

-Ես կարծում եմ, որ ոչ մեկը չի խուսափում օրենքի եւ դատաիրավական համակարգի առաջ պատասխանատու լինելուց, բայց ոչ այս իշխանությունների, որոնք ճնշումներ են գործադրում դատարանների վրա, ինչպես նաեւ այն մարդկանց վրա, որոնք ճանապարհ են անցել, բանակում մեծ դերակատարություն են ունեցել: Ըստ էության, այդ ճնշումների, բանակում փորձառություն ունեցողներին արագ-արագ պաշտոններից ազատելու եւ հրամանատարական կազմը գլխատելու պատճառով է, որ մենք 44-օրյա պատերազմում պարտություն ենք կրել: Այս իշխանությունները բանակի վերաբերյալ քարոզչությունը երկու մասով են տանում. երբ իրենց պետք է, վերամբարձ խոսքեր են ասում, իրենք իրենց են գովաբանում, ասում են՝ ոչ մեկի ժամանակ այդքան զենք չի գնվել, որքան, իբրեւ, իրենց, բայց հաշվի չեն առնում, որ ոչ մի իշխանու-

թյան օրոք այդքան զենք-զինամթերք չի հանձնվել իշխանություններին, ոչ մեկի ղեկավարության ժամանակ բանակի այդքան գորամասեր, մշտական տեղակայման վայրեր կամ անշարժ գույքեր չեն հանձնվել հակառակորդին: Մյուս կողմից էլ՝ թե իրենց պետք է լինում, բոլոր սլաքներն ուղղում են բանակի եւ բանակի ղեկավարության ուղղությամբ, ինչն անընդունելի է: Բանակին վերաբերող հարցերն այս իշխանությունները վերածել են «կիսաբաց լուսամուտների», ցնդաբանություններ են արտահայտում բանակի մասին՝ բացարձակ տեղեկություն չունենալով, թե ինչպես է բանակը կազմավորվել, ինչպես է զարգացման ընթացքն անցել բոլոր ղեկավարների ու ՊՆ նախարարների օրոք. դատարկ խոսակցություններ են վարում: Բանակը թիրախ դարձնելով՝ նրանց իջեցնում են մեր դիմադրողականության մակարդակը:

Ջրուցեց ՔՐԻՍՏԻՆԵ ՍՈՒՇԵՂՅԱՆԸ

ՄԱՐԴԻԿ ԶԿԱՆ

ՀՀ արտաքին գործերի նախարարությունում թափուր աշխատատեղեր կան, եւ ինչպես երեւում է, դրանք զբաղեցնել չի հաջողվում: Բանն այն է, որ Արտաքին գործերի նախարարության կողմից հայտարարվել էր մրցույթ թափուր տեղերի համալրման նատակով, եւ փաստաթղթերի ներկայացման ժամկետները երկարացվել են, որպեսզի մարդիկ կարողանան դիմել, եւ հնարավոր լինի լրացնել թափուր հաստիքները: «Ժողովուրդ» օրաթերթը տեղեկացավ, որ խոսքը թվով 16 հաստիքների մասին է, դրանց թվում կան 2-րդ քարտուղարի, կցորդների, 3-րդ քարտուղարի հաստիքներ: Հայտարարության մեջ նշված են նաեւ պաշտոնային դրույքաչափերը: 2 տարվա աշխատանքային ստաժ ունեցող, առնվազն երկու օտար լեզվի գերազանց իմացությամբ 2-րդ կցորդի պաշտոնային դրույքաչափը կազմելու է 221 հազար դրամ, 3-րդ քարտուղարին՝ 189 հազար դրամ, կցորդին՝ էլ՝ 163 հազար դրամ: Հասանելի է նաեւ հարցաշարը. բացի արտաքին քաղաքականությանը վերաբերող հարցերից, պետք է իմանալ, օրինակ, թե ում է Հայաստանում պատկանում իշխանությունը, ինչպես է այն իրականացվում, ով է իրականացնում նախարարության կառավարումը եւ այլն: Արտաքին գործերի նախարարությունը մեկն է այն գերատեսչություններից, որտեղ թափուր հաստիքները շատ են, եւ ցանկացողներ չկան՝ պետական համակարգում եւ այս իշխանությունների հետ աշխատելու: Դա էլ հանգեցնում է մի իրավիճակի, երբ նախկին պաշտոնյաները նշանակվում են օգնականներ ու խորհրդականներ:

ՈՎՔԵՐ ԵՆ ԹԵԿՆԱԾՈՒՆԵՐԸ

Մարտի 26-ին կայանալիք Սյունիքի մարզի Սիսիան եւ Շիրակի մարզի Անի համայնքներում ավագանու արտահերթ ընտրությունների համար առաջադրումներն ավարտվել են: Շիրակի մարզի Անի համայնքում առաջադրվել են «Ազգ-համայնք» (կազմում Հայաստանի Ժողովրդավարական ազատական միություն») կուսակցությունը եւ Ռեֆորմիստների կուսակցությունը, «Իմ հզոր համայնք», «Հայկական երազանք» եւ «Քաղաքացիական պայմանագիր» կուսակցությունները: Սյունիքի մարզի Սիսիան համայնքում առաջադրվել են Հայաստանի Հանրապետական կուսակցությունը, «Քաղաքացիական պայմանագիր» եւ «Քաղաքացու որոշում» սոցիալ-դեմոկրատական կուսակցությունները: «Ժողովուրդ» օրաթերթը տեղեկացավ, որ Սիսիանում իրենց թեկնածուն համայնքի ղեկավարի պաշտոնակատար Արմեն Հակոբջանյանն է: Նշենք, որ վերջինս նաեւ ՔՊ խմբակցության պատգամավոր Կարեն Համբարձումյանի կնոջ եղբայրն է: Ավելին՝ վերջինիս հայրը՝ Աղասի Հակոբջանյանը նույնպես եղել է Սիսիան համայնքի ղեկավար՝ ԲՀԿ-ից: Անի համայնքում նույնպես ՔՊ թեկնածուն համայնքապետի ղեկավարի պաշտոնակատար Արման Սարիբեկյանն է: Հետաքրքիր է, սակայն, որ «Ապրելու երկիր» կուսակցությունը, որը Սիսիանում նախորդ ընտրությունների ժամանակ 4 մանդատ էր ստացել, այս անգամ առիասարակ ընտրություններին չի մասնակցում: «Ժողովուրդ» օրաթերթի տեղեկություններով՝ Սիսիանում ՀՀԿ-ի ավագանու ցուցակը գլխավորում է Էլցանի տնօրեն Ջիվան Մարգարյանը, իսկ «Քաղաքացու որոշում» սոցիալ-դեմոկրատական կուսակցության ընտրացուցակի առաջին համարը՝ ՎԵԲ Բանակի Սիսիանի մասնաճյուղի կառավարիչ Ավագ Ասատրյանն է:

ԼՈՒՐԵՐ

ՀՅՈՒՐԱՔԱՏՈՒԿ ԱԼՈՒԹՅՈՒՆ

«Խորհրդարանում հյուրընկալեցի Հայաստանում Նիդերլանդների Թագավորության արտակարգ եւ լիազոր դեսպան Ն.Գ. պարոն Նիկոլաս Սխեյմերսին, - հայտնում է ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ, անկուսակցական Թագուհի Թովմասյանը: - Բնակարկեցինք մարդու իրավունքների ոլորտին առնչվող, փոխադարձ հետաքրքրության մի շարք հարցեր: Դեսպանին ներկայացրի «Ժողովրդավար» Հայաստանում մարդու իրավունքների խախտումները:

Որպես ԱԺ մարդու իրավունքների պաշտպանության եւ հանրային հարցերի մշտական հանձնաժողովի նախագահ՝ հայտնեցի պատրաստակամությունս՝ խորացնելու համագործակցությունը Նիդերլանդների խորհրդարանի հետ:

Դեսպանն իր խոսքում նշեց, որ իրապես ցանկալի է ընդլայնել համագործակցության դաշտը, ներկայացրեց դեսպանատան առաջիկա ծրագրերը»:

ԱԿՆԿԱԼԻՔՆԵՐ

Հոկտեմբերի 20-ից Հայաստանում իր գործունեությունն է սկսել ԵՄ դիտորդա-



կան առաքելությունը: ArmLur.am-ի հետ գրուցում «Քաղաքացիական պայմանագիր» խմբակցության պատգամավոր Արուսյակ Զուլհալյանը նշեց՝ ակնկալում է, որ այս դիտորդական առաքելությունը կնպաստի, որպեսզի հայ-ադրբեջանական սահմանին իրավիճակը կայունանա: Մեզ հետ գրուցում պատգամավորն անդրադարձավ նաեւ ռուսական կողմի կոշտ հայտարարություններին ԵՄ դիտորդական առաքելության մասով՝ նկատելով, որ Ռուսաստանը մինչ այս կամ չի


արձագանքել ՀՀ տարածքի նկատմամբ ադրբեջանական ագրեսիային, կամ էլ ոչ բավարար արձագանք է տվել: «Պետք չէ սեփական անգործության հարցում Հայաստանին մեղադրել: Ռուսաստանին այս տարածաշրջանից չի կարող դուրս մղել որեւէ մեկը, բացի Ռուսաստանից. եթե կա երկիր, որը կարող է դուրս մղել նրան այս տարածքից, դա միայն Ռուսաստանն իր գործողություններով կամ անգործությամբ», - ասում է պատգամավորը:



Էջը՝ ՌՈԶԱ ՊՈՂՈՍՅԱՆԻ

ԿՐԹՈՒԹՅՈՒՆ

ՀԱՐՑ. Երեխայիս ցածր գնահատական են դրել դասը խանգարելու համար, չնայած լավ է դաստաստված եղել: Ի՞նչ անել եւ ո՞ւմ դիմել:
Սարինե Լազարյան (34 տարեկան)



ՊԱՏԱՍԽԱՆ. Եթե հայտնվել էք մի իրավիճակում, երբ ուսուցիչը ցածր գնահատել էր երեխայի նկատմամբ կիրառել է նրա վարքագծի համար, ապա Դուք կարող եք այդ մասին տեղեկացնել դպրոցի տնօրինությանը՝ հայտնելով Ձեր առարկությունները եւ պարզաբանելով, որ ուսուցիչը կարող է երկու տեսակի կարգապահական տույժ կիրառել երեխայի նկատմամբ, եւ, բացի դրանից, ուսուցչի բոլոր գործողությունները համարվում են ապօրինի: Եթե, դրանով հանդերձ, Ձեր խնդիրը չլուծվի, եւ շարունակվեն նմանատիպ ճնշումները Ձեր երեխայի նկատմամբ, կամ Ձեր երեխայի համար ստեղծեն անհավասար պայմաններ կամ վատ վերաբերմունք ցուցաբերեն, ապա կարող եք այդ մասին անմիջապես ահազանգել Երեւանի քաղաքապետարանի թեժ գծով՝ 1-08 հեռախոսահամարով, կամ անմիջապես Երեւանի քաղաքապետարանի կրթության բաժնի գանգահարել 011 514-249 եւ 011 514-250 հեռախոսահամարներով: Եթե դպրոցը գտնվում է մարզերում, ապա անհրաժեշտ է խնդրի մասին հայտնել համապատասխան համայնքի ղեկավարին կամ մարզպետարանի աշխատակազմին:

ՀՀ կրթության, գիտության, մշակույթի եւ սպորտի նախարարություն

«ԺՈՂՈՎՈՒՐԳ». Դպրոցներում երեխաների կարգապահությունն ապահովվում է օրենքով, ուսումնական հաստատության կանոնադրությամբ եւ ներքին կարգապահական կանոններով սահմանված կարգով: Ընդ որում սովորողի նկատմամբ կարգապահական տույժ նշանակելու օրվանից հետո՝ մեկ տարվա ընթացքում, կարգապահական տույժ կարող է հանվել, եթե սովորողը կարգապահական նոր խախտում թույլ չի տվել եւ դրսևորել է իրեն որպես բարեխիղճ, օրինակելի, կարգապահ սովորող: Ինչպես տեսնում ենք, ցածր գնահատական դնելը կամ ցածր գնահատելը չի կարող օգտագործվել երեխայի նկատմամբ որպես կարգապահական տույժ, որպես երեխայի վարքագիծը ուղղելու միջոց: Յուրաքանչյուր երեխա իրավունք ունի գնահատվել իր ուսումնական առաջընթացին եւ ունակություններին համապատասխան:

ԻՐԱՎՈՒՆՔ

ՀԱՐՑ. Ոստիկանն ասում է, որ դեմք է սուզանի ինձ դիմակ չկրելու համար: Որո՞նք են իմ իրավունքները, ի՞նչ կարող եմ անել:
Արամ Զիրոյան (51 տարեկան)



ՊԱՏԱՍԽԱՆ. Դուք իրավունք ունեք նաեւ լռություն ցուցաբերել, այդ թվում ոստիկանին չհայտնել Ձեր վերաբերյալ անձնական տվյալները, Ձեր անունը, ազգանունը եւ այլ տվյալները, սակայն այս դեպքում պետք է նկատի ունենաք, որ ոստիկանը Ձեր անձը պարզելու նպատակով իրավունք ունի Ձեզ հրավիրելու ոստիկանության բաժին, իսկ հրաժարվելու դեպքում Ձեզ բերման ենթարկելու բաժին:

ՀՀ ոստիկանություն

«ԺՈՂՈՎՈՒՐԳ». Բաժին բերման ենթարկվելու դեպքում պետք է իմանալ, որ ոստիկաններն իրավունք ունեն Ձեզ բաժնում պահել ոչ ավելի, քան երեք ժամ, որի ժամանակ կրկին Դուք իրավունք ունեք ոստիկանին չհայտնել Ձեր անձի մասին տվյալներ, եւ երեք ժամը լրանալու պահից Ձեզ պետք է բաց թողնեն, եթե չեն կարողացել պարզել Ձեր անձը:

ԼՈՒՐ ԿԱԴՐ

Լուսանկարն արվել է Երեւանում



«Այս խորհրդանշական՝ Մայրենի լեզվի օրը Ազգային ժողովի իմ աշխատասենյակում ընդունեցի Գրքի տոնին նվիրված մրցույթի մասնակիցներին», -ասել է Թագուհի Թովմասյանը:

Խոստացված գրքերը Կոմիտաս Վարդապետին նվիրված Հայ եկեղեցու պատմության հատընտիր նմուշներից էին:

«Մայրենի լեզվի անադարտության պահպանությունը պետք է լինի յուրաքանչյուրիս պարտականությունը: Հոյս ունեմ, որ գիրքը ոչ միայն կպահեք որպես հուշ, այլեւ կընթերցեք», - նշել է իր խոսքում Թ. Թովմասյանը:

Պատգամավորը հյուրերին ծանոթացրել է խորհրդարանի աշխատանքներին, կազմակերպել շրջայց Աժ շենքում, այցելել են թանգարան:

ԲԱԺՆՈՐԴԱԳՐՈՒԹՅՈՒՆ

Մեր թերթը Բաժանորդագրվելու համար կարող եք դիմել

«Հայմամուլ» ՓԲԸ հեռ. 45-82-00, 45-19-11

«Հայկիստ» ՊԲԸ հեռ. 51-45-46, 51-45-47

«Բլից-Մեդիա» ՍՊԸ հեռ. 52-5301

Առաքումը՝ ԱՆՎՃԱՐ:



Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձնանք ձեր բարձրացրած բոլոր խնդիրներին:

Subscription form with fields for name, address, phone, and a contact number (060) 490049.



«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը. «Շարունակությունը կարող էք կարդալ «Ժողովուրդ» օրաթերթի այսօրվա համարում»:

Լրատվական գործունեություն իրականացնող՝ «Ժողովուրդ թերթի խմբագրություն» ՍՊԸ Հասցեն՝ ք. Երեւան, Աբովյան 22՝/3, հեռ՝ 010 54-64-23 Պետական գրանցման վկայականի համարը՝ 03Ա089086 տրված է 24.11.2010 Ստորագրված է տպագրության 21.02.2023

Գլխավոր խմբագիր՝ ԶՆԱՐ ՄԱՆՈՒԿՅԱՆ

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: